

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KT 0056490 23
Zenica, 02.12.2024. godine

OPĆINSKOM SUDU U TEŠNJU
Sudiji za prethodno saslušanje

Na osnovu člana 45. stav 2. tačka i), člana 241. stav 1. Zakona o krivičnom postupku
Federacije Bosne i Hercegovine (ZKP F BiH), podižem

O P T U Ž N I C U

Protiv,

T. R., ranije osuđivan po presudi Općinskog suda u T. broj ... od ... godine za krivično djelo Nasilničko ponašanje iz člana 362 stav 2. u vezi sa stavom 1. i krivičnog djela Oštećenje tuđe stvari iz člana 293. stav 1. KZ F BiH, na kaznu zatvora u trajanju od 7(sedam) mjeseci uvjetno 1(jedna) godina, i presudom Općinskog suda u T. broj: ... od ... godine za krivično djelo Posjedovanje i omogućavanje uživanja opojnih droga iz člana 239 stav 3 KZ F BiH, kaznom zatvora u trajanju od 4 (četiri) mjeseca, uvjetno 2 (godine).

da je,

Dana 29.09.2023. godine, u 19:50 časova, u mjestu ... i ..., općina Tešanj, na magistralnom putu oznake M4, silom spriječio ovlaštena službena lica PS Tešanj u vršenju službene radnje koje su preduzimali u okviru svojih ovlasti, na način da je upravljajući pmv marke „...“ registarskih oznaka ..., nakon što je započeo nepropisno preticanje kolone vozila vozeći se desnom-zaustavnom trakom puta u kojoj koloni su se nalazili i policijski službenici PS Tešanj, Š. S. i Š. S., koji su službenim policijskim vozilom marke „...“, registarskih oznaka ... vršili pratnju i obezbjeđenje autobusa koji su prevozili putnike na protestni skup u Doboju, a koje preticanje su uočili navedeni policijski službenici, zbog čega su zvučnom i svjetlosnom signalizacijom istom izdali jasnu naredbu da se zaustavi, na koju naredbu se isti oglušio i nije se zaustavio nego je nastavio vožnju, zbog čega je policijski službenik Š. S. upravljajući službenim vozilom izvršio preticanje automobila u kome se nalazio R. T., te zvučnim, svjetlosnim znacima i desnim pokazivačem pravca istom ponovo izdao jasnu naredbu da se zaustavi, na koju naredbu se isti oglušio i nije se zaustavio, nego je ubrzao kretnju i svojim prednjim dijelom vozila udario u zadnju stranu službenog vozila, nakon čega je izvršio preticanje istog i nastavio u pravcu Doboja, da bi potom policijski službenici istog ponovo sustigli u mjestu ..., kojom prilikom su, sa svo vrijeme upaljenom zvučnom i svjetlosnom signalizacijom, navedeno vozilo pretekli, nakon čega je R. ponovo ubrzao kretnju vozilom i prednjim dijelom svog vozila udario u zadnji dio policijskog službenog vozila, iako je znao i bio svjestan da postupa suprotno izdatim naredbama policijskih službenika i da naprijed opisanim radnjama istima može nanijeti tjelesne povrede i oštetiti tuđu stvar, a što je i htio, kojom prilikom je navedenim policijskim službenicima nanio po jednu laku tjelesnu povredu i to Š. S. u vidu nagnječenje glave u predjelu potiljka, nagnječenje oba ramena, obje podlaktice

i slabinskokrtačni dio leđa koje u svojoj sveukupnosti čine laku tjelesnu povredu, a Š. S. u vidu nagnječenja glave u predjelu potiljka, nagnječenja oba ramena, grudni i slabinskokrtačni dio leđa koje u svojoj sveukupnosti čine laku tjelesnu povredu, i nanio štetu na službenom policijskom vozilu u vidu uništene jedne radkapne, oštećenje lijevog blatobrana, zadnje maske i dijela maske, te zadnjeg lijevog pneumatika i felge, nakon čega je upravljajući svojim motornim vozilom sletio sa kolovoza i udario u bankinu gdje se zaustavio, i gdje su ga zatim policijski službenici lišili slobode,

Dakle, silom spriječio službenu osobu u vršenju službene radnje koju je poduzela u okviru svojih ovlasti, uslijed čega su dvije osobe lako tjelesno povrijeđene, oštetio tuđu stvar,

Čime je počinio krivično djelo “Sprečavanje službene osobe u vršenju službene radnje” iz člana 358. Stav 2. u vezi sa stavom 1. Krivičnog zakona Federacije Bosne i Hercegovine i krivično djelo “Oštećenje tuđe stvari” iz člana 293. Stav 1. istog zakona, a sve u vezi sa članom 54 istog zakona.